



SAVEZ KLIZAČKIH SPORTOVA
BOSNE I HERCEGOVINE

OPŠTA / OPĆA PRAVILA

15. 7. 2021.

Ovim Pravilnikom ureduju se opšta pravila koja definišu i uređuju klizački sport u Bosni i Hercegovini uz obavezu poštovanja entitetskih klizačkih saveza, klizačkih klubova i klizača kao članova klizačkih klubova u Bosni i Hercegovini pri Savezu klizačkih sportova Bosne i Hercegovine (u daljnjem tekstu: SKSBIH)

PRAVILO 100.

Takmičenja (definicije, nadležnosti)

1. DRŽAVNO PRVENSTVO

Državna prvenstva su u nadležnosti SKSBIH. Organizuju se i održavaju u skladu sa Takmičarskim pravilnikom SKSBIH.

2. MEĐUNARODNO TAKMIČENJE

Međunarodno takmičenje je takmičenje za koje:

- a) ISU članica (Savez) organizator poziva najmanje jednu drugu članicu ISU da učestvuje.
- b) Prijava takmičara može se izvršiti samo putem odgovarajućih članica ISU (Saveza).
- c) Učestvuju takmičari iz najmanje dvije članice ISU.
- d) Provodi se u skladu s pravilima ISU.
- e) Na svim međunarodnim takmičenjima organiziranim u serijama, generalni direktor ISU mora odobriti televizijske i reklamne ugovore kako bi se izbjegli sukobi s ugovorima ISU.

Zajednička državna prvenstva dvaju ili više članova ISU ne smatraju se međunarodnim, već nacionalnim takmičenjima, pod uslovom da su najavljena kao Zajednička nacionalna prvenstva i da se za svakog ISU člana objavljuju zasebni rezultati.

3. MEĐUKLUPSKO TAKMIČENJE

a) Međuklupska takmičenja su takmičenja koja organizira klub povezan sa SKSBIH, ali ne i sam SKSBIH, u kojem učestvuju klizači iz najmanje jednog kluba iz druge ISU članice.

b) Međuklupska takmičenja podliježu samo odgovarajućim pravilima i uslovima SKSBIH (Saveza), uz obavezu:

i) Međuklupska takmičenja mogu se organizovati i za klizače koji se ne mogu takmičiti na međunarodnim takmičenjima (npr. Veterani, odrasli, mlađe kategorije: Chicks, Cubs itd),

ii) Ako međuklupsko takmičenje uključuje takmičenja za Seniore, Juniore i / ili Novice kako je definirano ISU Pravilom 108 i odgovarajućim ISU propisima i tehničkim pravilima, odgovarajuća takmičenja moraju se provesti u skladu s sa svim važećim ISU pravilima.

SKSBIH je odgovoran je za nadzor na pridržavanjem pravila od strane kluba organizatora.

iii) Klub organizator mora poduzeti sve potrebne mjere kako bi osigurao da se međuklupsko takmičenje jasno razlikuje od ISU događaja i međunarodnih takmičenja. To uključuje, ali nije ograničeno na, sljedeća ograničenja:

- Klub organizator je dužan da traži saglasnost SKSBIH za organizaciju takmičenja prije početka sezone u kojoj je je planirano održavanje takmičenja.



- Klub organizator je dužan dostaviti SKSBIH najavu (Announcement) takmičenja minimum mjesec dana prije planiranog početka takmičenja.
 - Ukoliko najava takmičenja ne sadrži sve potrebne elemente, Klub organizator je dužan dostaviti SKSBIH ispravljenu najavu (Announcement) takmičenja u roku od 7 dana.
 - Najava mora nedvosmisleno odrediti odnosni klub kao organizatora događaja, a ne SKSBIH.
 - Klub organizator je dužan da odmah obavijesti SKSBIH ukoliko dođe do promjena u organizaciji kao što su: otkazivanje, odustajanje ili odgađanje takmičenja.
 - Svi materijali za takmičenje, posebno liste za prijavu, startne liste i protokoli rezultata moraju sadržavati nazive klubova klizača koji učestvuju; skraćena naziva matičnih ISU članica može se navesti u zagradama nakon naziva kluba.
- c) U slučaju TV prenosa, primjenjuju se odredbe ISU Pravila 105, stav 6.

4. LOKALNO TAKMIČENJE

Lokalna takmičenja provede se u skladu s pravilima SKSBIH. Na njima učestvuju samo registrovani klizači SKSBIH.

5. NAZIVI TAKMIČENJA

Riječi „ISU“, „Championship/s“, „Šampionat“, „World“, „Svjetsko“, „European“, „Evropsko“, „Continent/s“, „Kontinentalno“, „Državno“, „Međunarodno“, „**Bosne i Hercegovine**“ ne mogu se koristiti u bilo kom obliku/varijaciji u nazivu bilo kojeg **klizačkog** takmičenja bez prethodnog pismenog odobrenja SKSBIH.

6. NAJAVA (ANNOUNCEMENT) TAKMIČENJA

Ako se najava dostavi kasno ili sadrži odredbe koji su u suprotnosti sa pravilima SKSBIH i/ili ISU, SKSBIH može zabraniti klizačima registrovanim u SKSBIH da učestvuju na dotičnim takmičenjima i uputit će upozorenje klubu organizatoru kojim ih podsjeća na njihove obaveze. Ako se dva upozorenja izdaju uzastopno, tada će klubu organizatoru biti izrečena zabrana prava na organizaciju takmičenja u trajanju od dvije godine.

7. TAKMIČENJA ZA NEPODOBNE OSOBE (INELIGIBLE PERSONS)

Klubovi i njihovi članovi ne smiju organizirati, podržavati, pomagati ili pružati prostor za klizanje za nepodobne osobe.

Nepodobne osobe (ineligible persons) definisane su ISU Pravilom 102 stav 2.

Klubu organizatoru koji prekrši odredbe iz ovog Pravila, može biti izrečena zabrana prava na organizaciju takmičenja u trajanju od dvije godine.



PRAVILO 101. KATEGORIJE KLIZAČA PREMA UZRASTU I USLOVIMA (VEZANIM ZA UZRAST) ZA PRIJAVLJIVANJE NA TAKMIČENJA

1. KLIZAČ - TAKMIČAR

Klizač je osoba koja svoje sportske aktivnosti (takmičarske i rekreativne) provode u klubu registrovanom u SKS BiH.

Takmičar je klizač koji je u sezoni učestvovao na bar jednom takmičenju iz Pravila 100 grupa 2 (Međunarodna takmičenja).

2. DOBNA OGRANIČENJA ZA BRZO KLIZANJE NA KRATKE STAZE

a) Senior je klizač koji je navršio 15 godina do 1. jula prije takmičenja.

b) Junior je klizač koji nije navršio 19 godina do 1. jula prije takmičenja.

c) Na međunarodnim takmičenjima sljedeće dobne klasifikacije primjenjuju se za mlađu dobnu kategoriju:

Klasifikaciono doba do 1. jula prije takmičenja:

A) 17 i 18

B) 15 i 16

C) 13 i 14

D) 12 i ispod.

d) Na Svjetskom juniorskom prvenstvu mogu se takmičiti samo klizači koji su napunili 14 godina do 1. jula prije prvenstva.

3. DOBNE GRANICE ZA KLIZANJE: SINGLES, PAIRS SKATING I ICE DANCE

a) Na takmičenjima iz Pravila 100, kao i na međunarodnim seniorskim takmičenjima, ISU seniorskim prvenstvima i Olimpijskim zimskim igrama mogu se takmičiti samo klizači koji su navršili najmanje **sedamnaest (17)** godina do 1. jula prije događaja.

b) Na takmičenjima iz Pravila 100, kao i na međunarodnim juniorskim takmičenjima i ISU juniorskim prvenstvima junior je klizač koji je ispunio sljedeće uslove do 1. jula prije događaja:

i) je navršio najmanje trinaest (13) godina;

ii) nije navršio devetnaest (19) godina u Singles; i

iii) nije navršio devetnaest (19) godina za žene i dvadeset jednu (21) godinu za muškarce u Pairs Skating i Ice Dance.

c) Na međunarodnim takmičenjima u Novice kategorijama, Novice je klizač koji je ispunio sljedeće uslove do 1. jula prije takmičenja:

i) Basic Novice - nije navršio trinaest (13) godina;

ii) Intermediate Novice - nije navršio petnaest (15) godina;

iii) Advanced Novice - navršio je deset (10) godina, a nije navršio petnaest (15) godina za djevojčice (Singles / Pairs Skating / Ice Dance) i dječake (Singles) i sedamnaest (17) za dječake (Pairs Skating / Ice Dance).

Svaki klub mora osigurati da za klizalice koje registruju u SKSBIH dostave tačan datum rođenja i kategoriju prema navedenim pravilima.

Ako je prilikom prijave kluba na neko od takmičenja iz Pravila 100, navedena pogrešna kategorija, klub može izgubiti pravo učešća svih svojih takmičara na svim seniorskim i juniorskim ISU prvenstvima i međunarodnim takmičenjima u sljedećoj sezoni.

PRAVILO 102. UČEŠĆE NA TAKMIČENJIMA

1. PRIJAVA

- i) Na ISU prvenstva, ISU događaje, međunarodna takmičenja i ostala takmičenja navedena u Pravilu 100, mogu se prijaviti samo takmičari koji su registrovani klizaci SKSBIH.
- ii) Prijava takmičara na ISU prvenstva, ISU događaje, međunarodna takmičenja se može izvršiti samo preko SKSBIH.
- iii) Za prijavu na ostala takmičenja iz Pravila 100, matični klub je dužan obavijestiti SKSBIH najkasnije prilikom prijave na samo takmičenje.

Za kršenje ovog Pravila navedenih u članu 1, stav i / ii, klub može izgubiti pravo učešća svih svojih takmičara na svim seniorskim i juniorskim ISU prvenstvima i međunarodnim takmičenjima u sljedećoj sezoni.

PRAVILO 103. REGISTRACIJA

- a) Klizac se može biti registrovan u SKSBIH samo ako je državljanin Bosne i Hercegovine ili **strani državljanin koji u njoj ima boravak** najmanje godinu dana prije registracije.
- b) Klizac koji se natjecao na bilo kojem ISU prvenstvu, ISU događaju i / ili međunarodnom takmičenju za bilo koju drugu članicu ISU, a koji se u budućnosti namjerava registrovati u SKSBIH, treba dozvolu posljednje ISU članice koju je prethodno predstavljao. Pored toga, takav klizac može se takmičiti za SKSBIH na međunarodnim takmičenjima, ISU događajima i ISU prvenstvima tek nakon isteka perioda čekanja od dvanaest (12) mjeseci otkako se klizac nastupio za bilo kojeg drugog člana ISU.
- c) Registracija se sprovodi u skladu sa Registracionim pravilnikom SKSBIH.
- d) SKSBIH može odbiti zahtjev za registraciju za bilo kojeg klizaca, iako su formalnosti i zahtjevi navedeni u ovom pravilu ispunjeni, ako bi po mišljenju UO Saveza i/ili Registracione komisije SKSBIH koja odobrava takvu prijavu, bilo suprotno sportskom duhu (npr. u slučaju da klub pokuša „uvesti” nekoliko sportista sa stranim državljanstvom, posebno kada bi takvi **sportisti** činili znatni dio članstva tog kluba).
- e) SKSBIH će automatski odbiti zahtjev za registraciju za bilo kojeg klizaca ili isključiti već registrovanog klizaca, ako utvrdi da su prilikom podnošenja zahtjeva za registraciju dostavljeni netačni podaci.



PRAVILO 104. OBAVEZE KLUBOVA

1. INFORMACIJE O KLUBOVIMA

Svaki klub mora kontinuirano držati SKSBIH informiranim, vezano za naziv kluba, adresu, imena odgovorne(ih) osoba u klubu (predsjednika), telefonski broj, email adresu, web stranicu, stranice na socijalnim mrežama, te Sekretarijat SKSBIH obavijestiti o eventualnim promjenama.

2. KOMUNIKACIJA I INSTRUKCIJE PLAĆANJA

- a) U komunikaciji klubova sa SKSBIH dozvoljeno je koristiti samo zvanično prijavljene email adrese, uz obavezan potpis odgovorne osobe kluba, predsjednik ili potpredsjednik, sa jedne strane, odnosno predsjednik, generalni sekretar sa druge strane.
- b) Komunikacija članova kluba, službenih lica u klubu (treneri, sekretar i sl.) sa SKSBIH, dozvoljena je samo preko njihovog kluba.
- c) Službene komunikacije u određenim službenim obrascima (npr. Obrasci za prijavu, obrasci za nominaciju, obrasci za registraciju i slično), koji se podnose SKSBIH mora potpisati predsjednik kluba.
- d) Direktna komunikacija reprezentativaca sa SKSBIH je dozvoljena.
- e) Instrukcije za plaćanje moraju biti potpisane od strane predsjednika kluba.

3. LISTA KLUBOVA

Lista klubova se objavljuje na web stranici SKSBIH i ažurira se do 1. oktobra za tekuću sezonu.

4. ČLANARINA

Članarina u SKSBIH se ne **plaća**, ali su svi klubovi dužni platiti članarinu u SKS FBIH do 31. juna za narednu sezonu. **SKS FBIH** će SKSBIH dostaviti potvrdu o izmirenju obaveza klubova vezano za članarinu.

5. GUBITAK PRAVA STEČENIH NA OSNOVU ČLANSTVA

Klubovi sa neizmirenim finansijskim obavezama prema SKS FBIH ili SKSBIH gube sva prava stečena članstvom, sve do njihovog potpunog izmirenja.

6. ISKLJUČENJE

Klubovi, koji nakon upozorenja o neplaćanju (koje se izdaje u julu mjesecu i dostavlja u pisanoj formi putem emaila), ne izmire svoje obaveze do 1. oktobra, mogu biti isključeni iz SKSBIH.

Klubovima iz stava 1, SKSBIH će suspendovati sve usluge, uključujući izdavanje potvrda za javne pozive, do izmirenja obaveza.

7. ZDRAVSTVENO OSIGURANJE I LJEKARSKI PREGLEDI

- a) Isključiva obaveza klubova je da svi njihovi klizači, koji učestvuju u sportskim aktivnostima, posjeduju potvrdu o validnom ljekarskom pregledu obavljenom u ustanovi sportske medicine. Istu su dužni dostaviti prije registracije ili njenog produženja. Interna je stvar svakog kluba da odluči o tome ko će snositi troškove ljekarskog pregleda.
- b) Isključiva je obaveza klubova obezbijediti zdravstveno osiguranje i osiguranje od nezgoda za svoje sportaše, službenike i sve ostale članove klupskog tima koji učestvuju na događajima kao što su takmičenja, kampovi i slično. Takvo osiguranje mora osigurati potpunu medicinsku pomoć, a također i povratak bolesne ili ozlijeđene osobe u matičnu zemlju avio prevozom ili drugim hitnim postupkom. Interna je stvar svakog kluba da odluči o tome ko će platiti premiju za takvo osiguranje.

8. ODRICANJE OD ODGOVORNOSTI

Klub je obavezan za svakog klizača dostaviti Deklaracioni obrazac prije početka sezone.

9. PODACI O TAKMIČARIMA

Klub je obavezan pri registraciji ili produženju iste dostaviti podatke o takmičaru, potrebne za unos u ISU Online Registration System.

PRAVILO 105. SLUŽBENA LICA ZA SUĐENJE

1. SLUŽBENA LICA ZA SUĐENJE

A) Umjetničkom klizanje

- Sudija
- Referee
- Tehnički specijalist
- Tehnički kontrolor
- Data/video operater

Za discipline:

- Pojedinačno
- Parovi
- Ice Dance
- Sinhrono

B) Brzo klizanje na kratke staze – Short Track

- ISU Referee
- ISU Starter
- ISU Competitors Steward

2. KATEGORIZACIJA

Službena lica se kategoriziraju te im se shodno tome dodjeljuje prefiks:

- Nacionalni
- Internacionalni
- ISU

3. STICANJE ZVANJA SLUŽBENIH LICA ZA SUĐENJE

Način sticanja zvanja službenih lica za suđenje utvrđuje se pravilnikom za svaku branšu.

4. SASTAVLJANJE I POZIVANJE TEHNIČKOG SUDIJSKOG PANELA

- A) Za međunarodna takmičenja sastav panela se određuje na osnovu ISU Pravila 121
- B) Za ostala takmičenja navedenim u pravilu 100, sastav se određuje prema takmičarskom pravilniku
- C) Pozivanje sudija i nominaciju vrši organizator uz odobrenje SKSBIH
- D) **Učešće službenih lica za suđenje na takmičenjima izvan Bosne i Hercegovine, uz poziv odnosno zamolbu organizatora Savezu, moguće je samo uz odobrenje SKSBIH**

Zbog kršenja pravila iz tačke 4 C) i D) SKSBIH će kazniti organizatora takmičenja, za slučaj da se radi o takmičenju unutar BIH , zabranom organizovanja takmičenja u trajanju od dvije godine, kao i službeno lice za suđenje odnosno službeno lice za suđenje zabranom suđenja u trajanju do dvije godine.

5. LISTA SLUŽBENIH LICA ZA SUĐENJE

Lista službenih lica za suđenje se objavljuje na web stranici SKS BIH

PRAVILO 106. PRIGOVORI

Prigovori i korekcije rezultata ex officio

1. PRAVO NA PODNOŠENJE PRIGOVORA

Prigovori na temelju navodne povrede pravila mogu se podnijeti pod uslovom da nisu isključeni ovim ili bilo kojim drugim pravilom. Glavni sudac(referee) odlučuje o svim prigovorima. Prigovori se moraju podnijeti sucu u pisanom obliku i u navedenom roku. Istodobno prilikom podnošenja prigovora, iznos u visini od 100 CHF ili druga konvertibilna valuta iste vrijednosti, mora biti položena kod glavnog suca kao naknada za prigovor. U slučaju da je prosvjed uspješan, naknada za prigovor bit će mu vraćena, u suprotnom će ga sudac doznačiti SKSBIH (za takmičenja osim međunarodnih), odnosno ISU za međunarodna.

2. OSOBE OVLAŠTENE ZA PODNOŠENJE PRIGOVORA

Prigovori se mogu podnijeti samo:

- a) Takmičari, Kapetani timova u sinhronom klizanju ili vođe timova (team leaders) akreditirani za dotično takmičenje.
- b) Uz odobrenje takvih takmičara ili voditelja timova, prigovor je moguće podnijeti i od strane trenera (samo za brzo klizanje), članova odbora koji organiziraju takmičenje ili bilo kojih službenih predstavnika saveza ili povezanih klubova koji imaju takmičare na takmičenju.

3. VREMENSKA OGRANIČENJA ZA PODNOŠENJE PRIGOVORA

- a) Prigovori zbog sudjelovanja (prijava) takmičara moraju se podnijeti prije početka takmičenja. Ako se neposredna odluka ne može donijeti, takmičaru je dozvoljeno da započne, ali objava rezultata i podjela nagrada odgodit će se do donošenja odluke.
- b) Prigovori zbog sastava panela moraju se podnijeti u roku od 30 minuta od njegove najave.
- c) Svi ostali prigovori, osim slučajeva obuhvaćenih donjim podstavkom d), moraju se odmah podnijeti sucu, međutim, najkasnije 30 minuta nakon završetka predmetnog takmičenja. Završetak takmičenja (samo u tu svrhu) znači završetak posljednje utrke svih utrka na jednoj daljini u brzom klizanju, kraj posljednje serije „heats“ / kvalifikacijske runde ili posljednje u nizu pripremljenih rundi / kvalifikacijskih rundi ili sve četiri četvrtfinala ili posljednjeg od oba polufinala ili finala za jednu udaljenost u brzom klizanju na kratkim stazama i kraj bilo kojeg pojedinog segmenta (kratki program / slobodno klizanje / ples s uzorkom / ritam / slobodni ples) za takmičenja u umjetničkom klizanju.
- d) Prigovori zbog pogrešnog matematičkog izračuna mogu se podnijeti do 24 sata nakon završetka predmetnog takmičenja. (Vidi također odlomak 4. A. c) u nastavku). Ako sudac nije osobno dostupan na lokaciji ili u hotelu, prosvjed će se poslati faksom ili e-poštom u sekretarijat koji će ga proslijediti dotičnom sucu.

4. OGRANIČENJA PRIGOVORA

U skladu s općeprihvaćenim međunarodnim sportskim konceptom prema kojem "odluke na terenu" ne podliježu ispravci i / ili pregledu, rezultat ili vrijeme koje je takmičar postigao tijekom segmenta, utrke ili kvalifikacijskog kruga takmičenja je konačno, u principu, nakon što službeni spiker objavi / odluku (e) nadležnog (ih) službenog (ih) lica ili se prikaže na tablici rezultata ili video ekranu takmičenja.

Slijedom toga, primjenjuju se sljedeća ograničenja za prosvjede:

A. Umjetničko klizanje

- a) Nije dopušten nijedan prosvjed protiv ocjena sudaca, sudaca i Tehničkog panela (tehnički kontrolor, tehnički specijalisti) datih za nastup klizača
- b) Prigovori protiv rezultata dopušteni su samo u slučaju pogrešnog matematičkog izračuna. Pogrešna identifikacija elementa ili nivoa težine, iako rezultira nižom ili većom ocjenom, nije netočan matematički izračun.
- c) Ovlaštenje glavnog suca (referee) za ispravljanje pogrešaka

Iznimno od gore spomenutog (ih) pravila, glavni sudac (referee) će ispraviti pogreške, čak i ako nije podnijet prigovor, ako sazna:

i) Prije početka ceremonije dodjele nagrada (ili prije službene objave rezultata ako nema dodjele nagrada), da je došlo do pogrešnog unosa podataka od strane Operatora podataka, pod uslovom da se Tehnički kontrolor i oba tehnička stručnjaka slažu da je bilo pogreška u unosu. Samo u svrhu ovog pravila, dodjela medalja za kratki program / ritam ples smatra se dodjelom nagrada.

ii) U roku od 24 sata nakon dodjele nagrade došlo je do pogrešnog matematičkog izračuna, pod uslovom da se tehnički kontrolor i oba tehnička specijalista slože da je došlo do takvog netočnog izračuna. Ako takva korekcija dovede do promjena u konačnom plasmanu, odgovarajuće medalje i / ili nagrade bit će raspoređene u skladu s tim.

d) Ako se pojavi situacija prema gornjim točkama a) - c), glavni sudac će napraviti kratki zapis u pisanom obliku koji u slučaju c) i) i ii) moraju potpisati svi članovi Tehničkog panela.

B. Brzo klizanje na kratkim stazama

Nisu dopušteni prigovori protiv odluke Refereea ili startera u vezi s diskvalifikacijom ili ne diskvalifikacijom zbog kršenja bilo kojeg od općih i pojedinačnih pravila utrka opisanih u ISU Tehničkim pravilima 297 i 298

5. Odluka glavnog suca (referee)

a) Glavni Sudac će odlučiti o svakom prosvjedu u pisanom obliku i to što je prije moguće. Sudac će takvu odluku lično dostaviti osobi koja podnosi prigovor ili će organizirati da mu se dostavi. Kopije bilo kojeg prigovora i odluke suca proslijedit će se sekretarijatu.

b) Ako se podnosi prigovor:

i) nakon vremenskog ograničenja ili

ii) zato što nije dopušteno Pravilima

glavni sudac će odbiti prigovor u pisanom obliku pozivajući se na primjenjivo pravilo, ali ne baveći se osnovanošću prosvjeda.

c) U slučajevima koji nisu obuhvaćeni podstavkom b) iznad, glavni sudac će ukratko navesti razloge svoje odluke.

d) U brzom klizanju, klizanju na kratke staze glavni sudac može po vlastitom nahođenju, prije nego što donese odluku o prigovoru, pregledati ponavljanje službene digitalne reprize utrke, ako sudac to smatra relevantnim i ako je lako dostupna. To se ne odnosi na pokušaje prigovora koji su izuzeti gornjim stavcima 4.B i 4.C.

e) Odluka suca o prigovoru je konačna. Protiv takve odluke ne postoji žalba, osim u slučajevima navedenim u pravilu 106.

f) Glavni sudac može po vlastitom nahođenju odlučiti službeno objaviti javnosti o bilo kojem podnesenom prosvjedu, a u tom slučaju i o svojoj odluci po prosvjedu. Takva objava trebala bi se dati, ako je moguće, prije ili u roku od 30 minuta nakon završetka predmetnog takmičenja (vidi definiciju "takmičenja" za ovu svrhu u stavku 3.c) gore).



PRAVILO 107. ŽALBE

1. PRAVO NA ŽALBU

Žalba se može uputiti UO SKSBIH samo protiv odluka koje se odnose na prihvatljivost (eligibility status) takmičara, netočan izračun rezultata ili sastav panela i samo u slučajevima kada su pravila ISU, a koji se odnose na gore spomenute teme prekršena.

2. Rok

Svaka žalba na odluku glavnog suca mora se podnijeti UO SKS BIH u roku od 30 dana od donošenja odluke.

3. Suspenzivni učinak

Žalbe nemaju učinak poništenja odluke.

4. Osobe ovlaštene za žalbu

Žalbe mogu podnijeti samo oni koji imaju pravo uložiti prigovor (vidi pravilo 106, stavak 2).

PRAVILO 108. ANTIDOPING

Anti-doping pravila i Anti-doping procedure SKSBIH slijedit će opće principe uključene u Svjetski anti-doping kodeks koji što je na snazi i objavljen od strane Svjetske anti-doping agencije (WADA), kao i Anti-doping agencije Bosne i Hercegovine.

U cilju sprječavanja upotrebe nedozvoljenih sredstava, Savez će u skladu sa propisima ISU i odlukama Upravnog odbora, u saradnji sa Agencijom za antidoping kontrolu Bosne i Hercegovine provoditi doping kontrolu na klizačkim takmičenjima u organizaciji Saveza ili neke od organizacija članica i izvan takmičenja.

Predsjednik
Zikrija Đonko